



Ilaqtariinnermut Peqqissutsimullu Ataatsimiititaliaq Inatsisartut

Naartunermi, erninermi meeravissartaarnermilu sulingiffeqartarneq ullormusiaqartarnerlu pillugit Inatsisartut inatsisaata allannguutissaanik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut pillugu

Naalakkersuisut apriilip 10-at Naartunermut, erninermut meeravissartaarnermullu atatillugu sulingiffeqartarnissaq pillugu Inatsisartut inatsisissaattut nr. xx, xx. Xxx 2019-imeersumut siunnersuut tusarniaassutigisassatut saqqummiunneqarpoq UKA 2019-imi saqqummiunneqarnissaa anguniarlugu.

Inatsisartut aalajangiiffissaattut siunnersuut pineqartoq maannakkut siunnersuummut tusarniaassutigineqartumut qaleriiffeqarpoq.

Taamaattumik Naalakkersuisut aalajangerput Naartunermut, erninermut meeravissartaarnermullu atatillugu sulingiffeqarnissaq pillugu Inatsisartut inatsisissaattut siunnersuut UPA 2020-mi eqqartorneqartussatut inissinneqassasoq, taamaasiornikkummi Inatsisartut aalajangiiffigisaat Inatsisartut inatsisissaannut siunnersuutaasumut ilanngunneqareerniassammat ataatsimoorullugu.

2018-imi ukiaanerani ataatsimiinnermi UKA 2018/106-imi Inatsisartut aalajangiiffigivaat meerartaarnermut atatillugu sulingiffeqarneq sapaatip akunnerinik sisamanik sivitsorneqassasoq, taannalu januaarip aallaqqaataa 2020 atuutilissasoq. Inatsisartut aalajangiiffigisaat tamanna Naartunermut, erninermut meeravissartaarnermullu Inatsisartut inatsisissaattut siunnersuummi maannakkut tusarniaassutigineqartumi ilanngunneqarsimavoq.

Taamaattumik Naalakkersuisuninngaanniit maannakkut ataatsimiititaliaq akuerseqquneqartussaavoq Inatsisartut UKA 2018/106-imi aalajangiiffigisaata atuutsilernissaa UPA 2020-mi Naartunermut, erninermut meeravissartaarnermullu Inatsisartut inatsisissaattut siunnersuummut peqataatillugu eqqartorneqaaqqaarnissaannut utaqqitinneqarsinnaanersoq.

Ataatsimiititaliaminngaanniit Inatsisartut UKA 2018/106-imi aalajangiiffigisaat UPA 2020-mut kinguartinneqarnissaa akuerineqarsinnaanngippat taava Naalakkersuisuninngaanniit Naartunermi, erninermi meeravissartaarnermilu sulingiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-imi allannguinnissamut siunnersuusiussapput, tassanilu

13-05-2019
Sags nr. 2019 - 6945
Akt. id. 10738130

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

ernereernerup kingorna sulinngiffeqarnissamik sivitsuiniarneq kisimi pineqassalluni. Maannakkut Inatsisartut inatsisissaattut siunnersuummi maannakkut tusarniaassutigineqartumi sulinngiffeqarnerup sapaatip akunnerinik sisamanik sivitsuutaa UKA 2018/106-imi aalajangiussaasumut sanilliullugu eqaannerusumik atorneqarsinnaaneranut siunnersuutitaqarpoq, taamaattumillu meerartaareernermi sulinngiffeqarnissamut aalajangersakkat UPA 2020-mi allanngornissaannut siunnersuuteqartoqariissalluni.

Naartunermi, erninermi meeravissiartaarnermilu sulinngiffeqarsinnaanermut tunngatillugu Inatsisartut inatsisissaattut siunnersuummut ilanngussiinnartoqassagaluarpat UKA 2018/106-imi aalajangiiffigineqarsimasoq ilanngunenqarluni allaffissorneq annikinnerussagaluarpoq tassami siunnersuutit marluunatik ataasiinnaassagaluarpat aammalu taamaasiortoqarneratigut piffissap sivikitsup iluani inatsisinik allannguisaqaattaartoqarneratigut innuttaasut puupassaarneqassanngikkaluarlutik.

Inussiarnersumik inuulluaqqusillunga


Martha Abelsen